

**Staðfesting forsetans** á skipulagsskrá fyrir sjóðinn Þjóðhátíðargjöf Norðmanna, útgefin á venjulegan hátt að mandatum af dómsmálaráðherra 30. maí 1975.  
Skipulagsskráin er þannig:

## SKIPULAGSSKRÁ

fyrir sjóðinn Þjóðhátíðargjöf Norðmanna.

Stofnfé sjóðsins er gjöf frá norsku þjóðinni í tilefni 1100 ára búsetu á Íslandi. Forsætisráðuneytið hefur í samráði við ríkisstjórnina sett sjóðnum eftirfarandi skipulagsskrá:

### 1. gr.

Stofnfé sjóðsins 1 000 000.00 — ein milljón norskra króna — sem norska stórþingið samþykkti að gefa Íslendingum, skal mynda höfuðstól sjóðsins. Höfuðstólinn má auka með fjárupphæðum, sem síðar kunna að berast sjóðnum.

### 2. gr.

Stofnfé sjóðsins skal varðveitt í Noregi undir umsjá íslenska sendiráðsins þar og ávaxtað á hæslu leyfilegum vöxtum.

### 3. gr.

Tilgangur sjóðsins er að auðvelda Íslendingum að ferðast til Noregs. Í þessu skyni skal veita viðurkenndum félögum, samtökum, og skipulögðum hópum ferðastyrki til Noregs í því skyni að efla samskipti þjóðanna t. d. með þáttöku í mótum, ráðstefnum, eða kynnisferðum, sem efnt er til á tvíhliða grundvelli. Ekki skal úthlutað ferðastyrkjum til einstaklinga, eða þeirra sem eru styrkhæfir af öðrum aðilum.

### 4. gr.

Reikningsár sjóðsins er almanaksárið og skal ársskýrsla sjóðstjórnar afhent forsætisráðuneytinu fyrir 1. febrúar hvert ár.

### 5. gr.

Höfuðstóll sjóðsins skal standa óskertur, en vaxtatekjum hans skal ráðstafað árlega til að stuðla að tilgangi sjóðsins.

### 6. gr.

Styrkir úr sjóðnum skulu auglýstir til umsóknar í fjölmiðlum samkvæmt nánari ákvæðum er sjóðstjórn ákveður. Úthlutun ferðastyrkjanna skal fara fram árlega. Lögð skal áhersla á að veita styrki sem renna til beins ferðakostnaðar, en umsækjendur beri sjálfir dvalarkostnað í Noregi.

### 7. gr.

Í stjórn sjóðsins skulu vera þrír menn; sendiherra Noregs á Íslandi skal sjálfskipaður, en tveir stjórnarmanna skulu skipaðir af forsætisráðuneytinu til fjögurra ára í senn. Láti stjórnarmaður af störfum fyrir lok starfstímabils skal strax skipa annan mann í hans stað er sitji út skipunartímann. Stjórnin kys formann og varaformann úr sínum hóp.

### 8. gr.

Forsætisráðuneytið sér um ritara- og skrifstofustörf sjóðsins samkvæmt nánara samkomulagi milli ráðuneytisins og sjóðstjórnar.

**9. gr.**

Kostnaður vegna starfa stjórnar er greiddur úr sjóðnum.

**10. gr.**

Ef nauðsyn krefur setur stjórnin sér starfsreglur er hafa að geyma nánari fyrirmæli um starfsemi sjóðsins.

**11. gr.**

Skipulagsskrá þessari má breyta í samráði við forsætisráðuneytið.

**12. gr.**

Leita skal staðfestingar forseta Íslands á skipulagsskrá þessari.

Nr. 280.

2. júní 1975.

**AUGLÝSING**

**um staðfestingu sjávarútvegsráðuneytisins á grundvallarverði á framleiðslu frysts humars á humarvertíð 1975.**

Með skírskotun til laga nr. 72 28. maí 1969, um Verðjöfnunarsjóð fiskiðnaðarins, vill ráðuneytið hér með staðfesta eftirfarandi grundvallarverð á framleiðslu frysts humars á humarvertíð 1975:

**5 × 5 lbs. í skel garndreginn.**

7—9	\$ 5.40	pr. lb.	Cif. U.S.A.
9—12	\$ 5.13	— — —	—
12—15	\$ 4.86	— — —	—
15—18	\$ 4.19	— — —	—
18—24	\$ 3.69	— — —	—
24—30	\$ 3.24	— — —	—
30—45	\$ 2.70	— — —	—

**5 × 3 kg. í skel með görn.**

7—15	Lire 2 300	pr. lb.	Cif. Milano.
10—20	— 2 300	— — —	—
15—30	— 1 710	— — —	—
20—35	— 1 710	— — —	—
30—40	— 1 250	— — —	—
30—45	— 1 250	— — —	—
35—60	— 975	— — —	—
45—60	— 975	— — —	—

Viðmiðunarverð er miðað við viðskiptagengi krónu gagnvart Bandaríkjadólar (\$ 1 = 151.20) og Lírur (Lír. 100 = 24.24) 23. maí 1975.

Verðbil verður 6%, er miðast bæði við verðhækkun og verðlækkun. Greiðslur í sjóðinn eða úr honum miðast við 50% verðbreytingu frá grundvallarverði að viðbættu eða frádregnu verðbili.

*Sjávarútvegsráðuneytið, 2. júní 1975.*

**F. h. r.**

**Jón L. Arnalds.**

*Gylfi Þórðarson.*